



Universitätsbibliothek Paderborn

**Confessionale,|| In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

X. Vtrùm sit de necessitate salutis, Sacerdotibus confiteri.

urn:nbn:de:hbz:466:1-30362

Caput I. De Necessitate

ut Glossa illic habet, Sacerdotes retinere peccata, non est, censuram aliquam, aut sententiam ferre, ad ea retinendum; sed est, Sacerdotes ea non remittere: Ita, ut retinere opponatur ei, quod est remittere. Iam consecutio videtur aperta, Christus illic loquitur ad Sacerdotes de peccatoribus, dicens: Peccata, quae vos peccatoribus remiseritis, ego remittam: Quae autem vos non remiseritis, nec ego remittam.

Cum autem necessarium sit peccatori, ad ipsius salutem, ut D E V S illi peccata remittat; hoc verò non faciat, nisi per Sacerdotes: A Sacerdote autem remitti non possint, nisi peccata eidem innotescant: Innotescere illi non possunt, nisi ipse peccator, qui sui conscientius est, ea Sacerdoti detegat. Igitur à primo ad ultimum, necessarium est peccatori, peccata sua Sacerdoti detegere. Hæc consecutio procedit, etiam seclusa omni iuris humani dispositione. Supereft ergo, quod obligatio & necessitas vocaliter confitendi Sacerdoti, fit de iure Diuino.

Quæstio X. Estne de necessitate salutis, Sacerdotibus confiteri?

Respoſio. **V**ocalis Confessio, dubio procul, de necessitate salutis est, ideoque Concilium Tridentinum, id, hoc Canone confirmauit: Si quis negauerit Confessionem Sacramentalē, vel institutam, vel ad salutem necessariam

Conc. Tri-
dē. sess. 14.
can. 6.

sariā non esse de iure Diuino: Anathema sit.

Præterea, antequam Concilium illud indiceretur, erat Confessio à Christo non solum instituta, sed nobis sub præcepto tradita; modò autem de necessitate salutis est, Christi præcepta seruare.

Ad hæc, etiam necessarium est ad salutem id, sine quo peccata à D E O non remittuntur: Huiusmodi autem est Confessio Sacramentalis. Igitur absque salutis periculo prætermitti non debet.

Cùm Christus in Euangeliō Decalogi quidem, nullibi autem Sacramentalis Confessionis mentionē faciat; quomodo tanquam necessaria ad salutem requiritur?

*Questio
XI.*

*S*i Confessio peccatorum propterea non esset necessaria ad salutē, quod nulla eius in Decalogo mentio fiat; eodē modo probari posset, non esse de necessitate salutis, fidem, nec Baptismum, nec aliud Sacramentum; imò nec pœnitentiam cordis: Cùm de his in Decalogo expressa mentio non fiat; sicut nec de vocali Confessione. Ideò dicendum, non opus esse, omnia, quæ de necessitate salutis sunt, in Decalogo expressè contineri. Nec idē dixit Christus: Si vis ad vitam ingredi, serua mandata; quia velit so-

Respoſio.

Matt. 19.

B 3 lam